

新刊經進詳註昌黎先生文集

新刊 經進詳補註昌黎先生遺文卷第

贈族姪 徐州

我年十八九壯氣起曾中作書獻雲闕辭家逐
秋蓬歲時易遷次身命多厄窮一名雖云就片
祿不足充今者復何事卑棲寄徐戎蕭條資用
盡濩落門巷空朝眠未能起遠懷方鬱悵擊門
者誰子問言乃吾宗自云有奇術探妙知天工
既往悵何及將喜還通期吾語非佞當爲佐時
雍

聯句

有所思

相思繞我心日夕千萬重
年光坐晚晚春淚銷
顏容郊臺鏡晦舊暉庭草滋新茸望天山上石
別劍水中龍愈

春雪

片片驅鴻急紛紛逐吹斜
到江還作水著樹漸
成花越喜飛排瘴胡愁厚蓋砂兼雲封洞口助
月照天涯
暝見迷巢鳥
朝逢失轍車
呈豐盡相
賀寧止力耕家

嘲鼾睡二首

早說文
息也

澹師晝睡時聲氣一何猥頑颺吹肥脂坑谷相
嵬磊雄哮乍咽絕每發壯益倍有如阿臯尸長
喚忍衆罪馬牛驚不食百鬼聚相待木枕十字
裂鏡面生疥瘡_{音腫}病也_{音肥}鐵佛聞離眉石人
戰搖腿孰云天地仁吾欲責真宰幽尋風搜耳
猛作濤翻海太陽不忍明飛御皆墮怠乍如彭
與黔呼冤受_{音固}醢_{音前}又如圈中虎號瘡兼吼餒雖令伶倫
吹苦韻難可改_{音伶倫樂師也黃帝使伶倫取嶠}

通之 雖令巫咸招魂爽難復在巫咸古神巫也

巫咸使 占夢 何山有靈藥療此願與採

公坐卧時長睡無不穩吾嘗聞其聲深慮五

臟拍黃河弄憤瀑梗澁遭拙鮫南帝初奮提一

竅浪混沌莊子南海之帝儵與中央之帝混沌

聽食息此濁無有試鑿之 迫然忽長引万丈不

可忖謂言絕於斯繼出方袞袞幽幽寸喉中草

木森萃蓐上音本下音付 盜賊雖狡獪亡竟敢

窺閫鴻蒙摠合雜詭譎騁戾很下如關呶呶忽

若怨慼慼賦形苦不同無路尋根本何能湮其

源惟有土一畚音本傳置謂奇左

酬藍田崔丞立之詠雪

公嘗雪後寄崔二十六丞公詩其曰藍田十月雪塞關則六之時尚為丞藍田也此詩其立之自藍田見寄而公酬之與公是時為中書舍人故言京城數尺雪且曰冰玉清顏隔蓋有懷立之耳時元和二十年也

京城數尺雪寒氣倍常年
泯泯都無地茫茫豈是天
崩奔驚亂射揮霍訝相纏
不覺侵堂陞方應折屋掾
出門愁落道上馬恐平韉
朝鼓矜臨起山齋酩酊眠
吾方嗟此役君乃詠妍冰
玉清顏隔波濤盛句傳
朝飡思共飯夜宿憶同毡

舉目無非白雄文乃獨玄

潭州泊舫呈諸公

公永正元年自陽山令量移江陵法曹參軍自衡至潭陪杜侍御遊湘西寺獨宿有題自此泛洞庭阻風又有贈張十一詩則此詩所謂潭州泊舫亦此時歟

夜寒眠半覺鼓笛開嘈嘈聞浪春樓埽驚風破

竹篙主人看使範客子讀離騷屈屈原離騷聞道松醪

賤何須恡錯刀杜甫詩松醪酒熟旁看醉張平子美入贈我金錯刀

畫月

公歷事德宗憲宗穆宗三朝按史太白畫見屢有之畫月未之有也觀詩意謂陰爲陽羞蓋有所託諷也其指官官陳洪志之亂故耶其曰戲謔盜視汝目詩

可以見一昨之覓艷也

玉盃不磨著泥土青天孔出白石補女嬃氏煉五色石以

補兔入曰藏蛙縮肚桂樹枯株女閉戶陰為陽

羞固自古嗟汝下民或敢侮戲謔盜視汝目瞽

贈張徐州莫辭酒

公為南陽公張建封碎置時作集中有諫擊毬等二書汴泗交流雉帶箭等詩

皆為公作也

莫辭酒此會固難同請看工女機上帛半作軍人旗上紅莫辭酒誰為君王之爪牙春雷二月不作響戰士豈得來還家

飲城南道邊古墓上逢中丞過贈禮部員外少室張道士

中丞謂裴度也禮部員外或以為兵部
備員外所不能詳惟少室張道士蓋公
嘗有詩與序送者時元和九年也詩亦此時作

偶上城南土骨堆共傾春酒三五盃為逢桃樹
相料理不覺中丞喝道來

知音者誠希

觀詩意蓋有送行之意時張籍孟郊數
會數別集多有相別詩不得而詳其名
氏矣

知音者誠希

古詩不愁歌者
苦但傷知音稀

念子不能別行行

天未曉携手踏明月

辭唱歌

或疑非公之作然觀集中醉贈張籍詩
云所以欲得酒爲文俟其醉又云長安
衆富兒盤饌羅豐葦不解文字飲惟能
醉紅裙則可見不解歌之意又云險語
破鬼膽高詞擬皇貴即此歌君教發直
言大聲無休時君教哭古恨不肯復吞
悲意亦相似云

抑逼教唱歌不解看艷詞坐中把酒人豈有歡
樂恣幸有伶者婦腰身如柳枝但令送君酒如
醉如憨癡聲自肉中出使人能委隨復遣慳
者贈金不皺眉豈有長直夫喉中聲雌雄君心

豈無耻君豈是女兒君教發直言大聲無休時
君教哭古恨不肯復吞悲尔可阻君意艷歌難
可爲

池上絮

池上無風有落暉楊花晴後自飛飛為將纖質
凌清鏡濕却無窮不得歸

洛陽令竇牟陪韓院長韋河南同尋劉尊
師不值都官員外郎韓愈得尋字

秦客何年駐仙原此地深還隨躡蹻騎來訪馭
風襟院閉清霞入松高老鶴尋猶疑隱形在敢

起竊桃心

監軍新竹亭記

前戎帥謂宣武節度李萬榮也萬榮死
鄧惟恭提其軍詔以董晉為檢校尚書
左僕射同中書門下平章事為宣武節
度大使軍司馬即陸長源故曰請於相
國相國即董晉也曰監軍意即晉也其
曰在帝左右入贊元化出臨大軍非晉
其誰公是時為晉屏置汴州節度推官
其曰在隴西公之幕復志賦所謂余既
從隴西公平汴州者是也時蓋
正元十二年記當在是時作也

前戎帥有壞公館而以其掾為私館之掾者役
徒百夫費不十旬然後其宇克成咨嗟之聲垂
聞于今天墜其家固有寧燕神怒既洩國言未

休於是軍司馬求順人意請於相國而壞之既而我監軍公因人之樂爲用遂次其材築亭于茲地肇自甲子成于丁亥木無加斲瓦不新陶南北十尋堦峻二尺翼以二室穆然閑深及時之無虞四方之客至招我賓佐將校相與揖讓登于西堦之下肴羞旁行然竹籥發歌者在席舞者庭樂不極般和而有節君子於是謂公之舉得其道矣取材於不費之原役工於不勞之人與衆無尤因舊易成建一事而衆美隨之斯不亦仁且智乎懷醇握明在帝左右入贊元

化出臨大軍文德外優武義中果以理平亂易
危就安推是而言不其且哉愈時在隴西公之
幕既受宴於茲亭退為其記云

荅侯生書

按集從公遊者侯維侯喜侯雲長繼與
公同年進士詩中有送侯參謀書中有
與侯繼宗文又有祭侯主簿是也侯雲
長公尊一薦之於陸貞外侯參唯侯喜從
公問學最久故前後唱和不一而公亦
導薦之於陸貞外又薦之於盧諲中復
至謂喜之文章學西漢而為則以
論孟之疑而求益於公者必喜也

愈白侯生足下所示論語問甚善聖人踐形之
說孟子詳於其書當終始究之若萬物皆備於

我反身而誠是也足下謂賢者不能踐形非也
賢者非不能踐形能不備耳形言其備也所
謂具體而微是也充實之謂美充實而有光輝
之謂大充實則具體未大則微故或去聖一間
或得其一體皆踐形而未備者唯反身而誠則
能踐形之備者耳愈昔注解其書而不敢過求
其意取聖人之旨而合之則足以信後生輩耳
此說甚為穩當切更思之愈白

謝孔大夫狀

公元和十四年春以諫佛骨貶潮州時
孔戣為嶺南節度使以公奉海州州州

給政公以此狀
辭而弗受也

伏奉七月二十七日牒以愈貶授刺史特加優
禮以州小俸薄慮有闕乏每月別給錢五十千
以送使錢充者開緘捧讀驚榮交至願已量分
慚懼益深欲致辭爲讓則乖伏屬之禮承命苟
貪又非循省之道進退反側無以自寧其妻子
男女并孤遺孫姪奴婢等尚未到官窮州使賓
罕至身衣口食綃米足充過此以往實無所用
積之於室非廉者所爲受之於官名且不正恃
蒙眷待輒此披陳

皇帝即位賀宰相啓

據史穆宗元和十五年閏正月丙午即
帝位即閏月三日也公時刺袁州啓狀
皆是時
作去

愈伏見冊命皇帝以閏月三日嗣臨大位以主
神人含生之類孰不蒙賴相公翼亮聖明大慶
資始伏惟永永與國同休愈下情不勝慶躍限
以所守不獲隨例拜賀謹差某奉啓不宣謹啓
皇帝即位賀諸道狀

伏見勅命以閏正月三日嗣臨寶位海內惟新
凡在臣庶不勝慶幸惟俯同下情未由拜賀但

增馳竊謹奉狀不宣愈再拜

皇帝即位降赦賀觀察使狀

據史穆宗即位二月丁丑大赦狀云
二月五日恩赦即此狀所以賀也

二月五日恩赦今月二十四日卯時到州當時
集百官僧道百姓宣示訖聖上以繼明之初垂
惟新之澤曲成不遺於萬物大賚遂延於四海
寰宇斯泰品類皆渥蘇恩普霑遠近同慶愈以
藩條有制拜賀無由不勝欣抃之至謹差萍鄉
縣丞李某奉狀陳賀

憲宗崩慰諸道疏

正元十五年正月憲宗崩故諸道相慰云

愈言上天降禍大行皇帝奄弃萬國伏惟攀慕永痛哀感難勝某承詔不任號絕恨以官守拜慰未由伏增惶戀謹差某奉疏不宣韓愈再拜相州刺史御史中丞田公故夫人魏氏墓

誌銘

序言尚書公奉詔收魏博六州即田洪正也據傳洪正事兄辭甚謹朝廷知其友愛拜相州刺史賜金紫不徵其相遠則誌所謂中丞收氏尚書公為元和中和第一勲中丞實與有勞天子降恩其家偕享貴榮詔賜夫人為縣度夫人信矣然傳言權能為太子賓客及相州刺史而不言為中丞豈史略之耶誌言鄭國

公徵生叔昇考徵傳有子四人曰叔王叔雍叔瑛叔瑜而無叔昇者誌字之誤未可知也

夫人魏氏其先鉅鹿人狀不通諱字今從不書夫人年若干歸我中丞北平田公事先舅公夫人以賢順聞於叔仲娣姒間用貶讓自處其他動止儀法無不似前之所爲中丞叔氏尚書公奉詔收魏博六州人謂元和中第一勲中丞實與有勞天子降恩其家偕享貴榮元和中八年夏詔賜夫人爲鉅鹿郡夫人既視制書四姻九戚方走輦來賀不幸以其月二十二日終于相州

刺史之堂享年若干中丞公悼其榮華之早敗
情有加等以是歲十一月某日用窆禮于相州
安陽縣西南感化鄉古之原長子輩監察御史
次子罕試衛尉卿皆爲節度衙門將長女適貝
州刺史孫遷次適魏州館陶令長孫襄甫男才
女淑率由內訓夫人之歿有遺光矣夫人五代
祖徵鄭國公史既詳徵生太僕卿臨黃縣公叔
昇昇生蔣王司馬孟莊孟莊生臨汝郡葉縣長
信信生夫人之考故澤潞節度判官兼御史中
丞萬早以五字詩名聞於邢魏間於戲自魏國

公至先君中丞其間信累有人蓋道高而官尊
不享者是祖勲父裕豈無鐘於淑哲哉則夫人
婦於君子者宜矣系曰

唯鄭國公珣唐勲下無嗣紹陰宰漫忠靈憤屯
歎帝閭重推淑慶歸女孫願生夫人稟粹溫在
父母家有休聞若榮藻艷初字年錦衣瓊珮歸
卿門卑柔莊敬承二尊姑嫂姊姒和無垠春秋
祠祭主登鐔奠薦益繁歌明竟夫榮叔貴天子
恩詔分鉅鹿光魚軒義和不駐哀禍翻錦帷悄
戚彤史寒相山之側黃草原德言容功石存存

朕字惜無可考正者

洛北惠林寺留題

集中有贈侯喜詩謂呼我持竿釣溫水即此謂同魚于溫洛也注詳贈侯喜詩

韓愈李景興侯喜尉遲汾正元十七年七月二十三日魚于溫洛宿此而歸昌黎韓愈書

嵩山天封宮留題

歐陽公集古錄云退之題名二皆在洛陽其一在嵩山天封宮其一在福先寺

元和四年三月二十六日與著作佐郎樊宗師處士盧仝自洛中至少室謁李徵君渤樊次玉泉寺疾作歸明日遂與李盧道士晝濠僧榮並

少室而東抵衆寺上太室中峰宿封禪壇下石
室遂自龍泉寺釣龍潭水遇雷明日觀啓母石
入此觀與道士趙玄遇乃歸閨月三日國子博
士韓愈題

華嶽留題

在華州華山金天王祠石闕王臨川亦
嘗有和董伯懿詠裴晉公平淮右將佐
題名詩有六千秋已往蹤迹在嶽石巖
記如箱崖文巖字巖皆可喜黃埃報沒
蒼藓埋當時將佐盡豪傑想此精禱陪祠齋

淮西宣慰處置使門下侍郎平章事裴度副使
刑部侍郎兼御史大夫馬摠行軍司馬太子右

庶子兼御史中丞韓愈判官司勳員外郎兼侍
御史李正封都官員外郎兼侍御史馮宿掌書
記禮部員外郎兼侍御史李宗閔都知兵馬使
左驍衛將軍威遠軍使兼御史大夫李文悅左
廂都押衙兼都虞候左衛將軍兼御史中丞梁
希逸右廂都押衙嘉王傅兼御史中丞密國公
高承簡元和十二年八月丞相奉詔平淮右八
日東過華陰禮于嶽廟摠等八人實備將佐以
從

新刊經

進詳註昌黎先生遺文卷第一

新刊經進詳註昌黎先生遺文卷第二
論語筆解上

昌黎韓愈

趙郡李翱

學而第一

有子曰信近於義言可復也

馬曰其言可反覆故曰近義

韓曰反本要終謂之復言行合宜終復乎信
否則小信未孚非反覆不定之謂

李曰尾生之信非義也若要終合宜必不抱
橋徒死馬去反覆生其言矣

恭近於禮遠耻辱也

馬曰恭不合禮非禮也能遠耻辱故近禮

韓曰禮恭之本也知恭而不知禮止遠辱而已謂恭必以禮為本

李曰晉卅子申生恭命而死君子謂之非禮若恭而不死則得禮矣

因不失其親亦可宗也

孔曰因親也所親不失其親亦可宗敬

韓曰因訓親非也孔失其義觀有若上陳信義恭禮之本下言凡學必因上禮義二說不失親師之道則可尊矣

李曰因之言相因也信義而復本禮因恭而

遠嫌皆不可失斯廼可尊

子曰敏於事而慎於言就有道而正焉可謂好學也矣

孔曰敏疾也有道有道德者正謂問事是非

韓曰正謂問道非問事也上句言事下句言道孔不分釋之則事與道混而無別矣

李曰凡人事政事皆謂之事迹若道則聖賢德行非記誦文辭之學而已孔子曰有顏回者好學不遷怒不貳過此稱爲好學孔去問事是非蓋得其近者小者失其大端

爲政第二

歸於正也

子曰詩三百一言以蔽之曰思無邪包曰蔽猶當也又曰

韓曰蔽猶斷也包以蔽爲當非也按思無邪是魯頌之辭仲尼言詩最深義而包釋之略矣

李曰詩三百篇斷在一言終于頌而已子夏曰發乎情民之性也故詩始於風止乎禮義先王之澤也故終無邪一言詩之斷也慮門人學詩徒誦三百之多而不知一言之斷故云然爾

子曰吾五十而知天命

孔曰知天命之終始

韓曰天命深微至賾非原始要終一端而已
仲尼五十學易窮理盡性以至於命故曰知

天命

李曰天命之謂性易者理性之書也先儒失
其傳惟孟軻得仲尼之蘊故盡心章云盡其
心所以知性修性所以知天此天命極至之
說諸子罕造其微

六十而耳順七十而從心所欲不踰矩

鄭曰耳其言

知其微言也馬曰矩法也從心所欲無非法

韓曰耳當為爾猶言如此也既知天命又如
此順天也

李曰上聖既順天命豈待七十不踰矩法哉
蓋孔子興言時已七十矣是自衛反魯之時
也刪修禮樂詩書皆本天命而作如其順

子曰溫故而知新可以為師矣

孔曰溫尋也尋
釋故者又知新

者可以
為師矣

韓曰先儒皆謂尋繹文翰由故及新此是記
問之學不足為人師也吾謂故者古之道也
新謂已之新意可為新法

李白仲尼稱子貢云告諸往而知來者此與
溫故知新義同孔謂尋繹文翰則非

子曰君子不器子貢問君子子曰先行其言而
後從之孔曰疾小人多言而行不周

韓曰上文君子不器與下文子貢問君子是
一段義孔失其旨反謂疾小人有疾於義
李曰子貢門人上科也自謂通才可以不器
故聞仲尼此言而尋發問端仲尼謂但行汝
言然後從而知不器在汝非謂小人明矣

子張問十世可知也子曰殷因於夏禮所損益

可知也周因於殷禮所損益可知也其或繼周
者雖百世可知也孔曰文質禮變馬曰所因謂
綱五常所損益謂文質三

統

韓曰孔馬皆未詳仲尼從周之意泛言文質
三統非也

李曰損益者盛衰之始也禮之損益知時之
盛衰因者謂時雖變而禮不革也禮不革則
百世不衰可知焉窮此深旨其在周禮乎
韓曰後之繼周者得周禮則盛失周禮則衰
孰知因之之義其深矣乎

八佾第三

季氏旅於泰山子謂冉有曰女弗能救與對曰
不能子曰嗚呼曾謂泰山不如林放乎

曰泰山之神反不如林放者乎

韓曰謂當作爲字言冉有爲泰山非禮反不
如林放問禮乎包言泰山之神非其義也

子曰吾不與祭如不祭

包曰不自親祭使攝者爲之不肅敬典不祭同

韓曰義連上文禘自既灌而往吾不欲觀之
矣蓋魯僖公亂昭穆祭神如神在不可躋而
亂也故下文云吾不與祭蓋嘆不在其位不

得以正此禮矣故六如不祭言魯逆祀與不祀同焉

李曰包既失之孔又甚焉孔注祭神如神在謂祭百神尤於上下文乖舛

子貢欲去告朔之餼羊

鄭曰禮人君每月告朔於廟有祭謂之廟享

韓曰人君謂天子也非諸侯通用一禮也魯

自文公六年閏月不告朔猶朝于廟左氏曰

不告朔非也吾謂魯祀周公以天子禮魯君

每月朔不朝于周但朝周公之廟因而祭曰

廟享其實以祭爲重爾文公既不行告朔之

享而空朝于廟是失禮也然子貢非不知魯禮之失特假鯨羊之問誠欲質諸聖人以正其禮爾又曰天子云聽朝謂聽政於天下也諸侯云告朔謂以下之政告於上也每月頒胡于諸侯諸侯稟朔奉王命藏祖廟於是魯有廟享之文它國則亡此禮

李曰襄二十九年凡三正月公在楚左氏曰釋不朝正於廟吾謂魯禮正月歲首謂之朝正也月即謂之告朔蓋二禮歟

又曰案周禮正月之吉始和布治於邦國都

鄙蓋當時諸侯皆有稟命告朔明文其所無者惟朝正不作周公廟享爾

里仁第四

子曰君子之於天下也無適也無莫也義之與比

韓曰無適無可也無莫無不可也惟有義者與相親比爾

李曰下篇第九去子絕四曰毋固注云無可無不可在毋固執焉王通云不可天下所共存也孟子曰惟義所在其言同

子曰君子懷德小人懷土君子懷刑小人懷惠

孔曰懷德懷安也懷土重遷也懷刑安於法也包曰懷惠恩惠也

韓曰德難形容必示之以法制土難均平必示之以恩惠上下二義轉相明也

李曰君子非不懷土也知土均之法乃懷之矣小人只知土著樂生之惠殊不知土之德何極於我哉

子曰參乎吾道一以貫之曾子曰唯子出門人

問曰何謂也曾子曰夫子之道忠恕而已矣

孔曰

直曉不問故答曰唯

韓曰說者謂忠與恕一貫無偏執也

李曰參也魯是其忠焉參至孝是其恕也仲尼嘗言忠必恕恕必忠闕一不可故曾子聞道一以貫之便曉忠恕而已

子游曰事君數斯辱矣朋友數斯疏矣

包曰數謂速數

數之

韓曰君命召不俟駕速也豈以速為辱乎吾謂數當謂頻數之數

李曰頻數再三瀆必辱矣朋友頻瀆則益疏矣包云速數非其旨

公冶長第五

子使漆雕開仕對曰吾斯之未能信子說

韓曰未能見信於時未可以仕也子說者善其能忖已知時變

李曰孔言未能究習是開未足以仕非經義也鄭言志道深是開以不仕爲得也非仲尼循循善誘之意云善其能忖已知時變斯得矣

子謂子貢曰女與回也孰愈對曰賜也何敢望回回也聞一以知十賜也聞一以知二子曰弗

如也吾與女弗如也

包曰既然子貢不如者蓋欲以

慰子貢尔

韓曰回亞聖矣獨問子貢孰愈是亦賜之亞回矣賜既發明顏氏具聖之體又安用慰之乎包失其旨

李曰此最深義先儒未有究其極者吾謂孟軻語顏回深入聖域云具體而微其以分限為差別子貢言語科深於顏回不相絕遠謙云得具體之二分蓋仲尼嘉子貢亦窺見聖奧矣慮門人惑以謂回多聞廣記賜寡聞陋

學故復云俱弗如以釋門人之惑非慰之云也

韓曰吾觀子貢此義深微當得具體八分所不及田二分尔不然安得仲尼稱弗如之深乎

宰予晝寢子曰朽木不可雕也糞土之牆不可朽也於予與何誅

舊文作晝字

韓曰晝當爲畫字之誤也宰予四科十哲安得有晝寢之責乎假或偃息亦未深誅又曰於予顯是言宰予也下文云始吾今吾者即

是仲尼自謂也

李曰於予與何誅并下文於予與改是二句
先儒亦失其旨吾謂仲尼雖以宰予高閑晝
寢於宰予之才何責之有下文云於宰予言
行雖晝寢未爲大過使改之不晝亦可矣

子貢曰夫子之文章可得而聞也夫子之言性

與天道不可得而聞也

孔曰性者人所受以生
道深微故不可得而聞也

韓曰孔說粗矣非其精蘊吾謂性與天道一
義也若解二義則人受以生何者不可得聞

乎哉

李曰天命之謂性是天人相與一也天亦有性春仁夏禮秋義冬智是也人之率性五常之道是也蓋門人只知仲尼文章而少克知仲尼之性與天道合也非子貢之深蘊其知天人之性乎

雍也第六

子曰人之生也直罔之生也幸而免

馬曰人之生自然者

以其正直也包曰罔正直是幸也

韓曰直當為德字之誤也言人生稟天地大

德罔無也若無其德免於咎者尠矣古書德作惠

李曰洪範三德正直在其中剛柔共成焉無是一者必有咎况咸無之其能免乎包謂誣枉正直則罪無赦何幸哉馬言自終又非生也之義

子曰齊一變至於魯魯一變至於道包曰齊可使如大道行之時

韓曰道謂王道非大道之謂

李曰有王道焉吾從周是也有霸道焉正而不譎是也有師道焉得天子禮樂吾舍魯何

適是也然霸道可以至師道師道可以至王道此三者皆以道言也非限之以器也故下文云觚不觚言器不器也觚哉重言不器所以臻道也

子曰君子博學於文約之以禮亦可以弗畔矣

失

鄭曰弗畔不違道也

韓曰畔當讀如偏畔之畔弗偏則得中道

李曰文勝則流靡必簡約禮稱君子之中庸是也鄭言違畔之畔豈稱君子云哉失之遠矣

子見南子子路不說夫子矢之曰子所否者天

厭之天厭之

孔曰行道非婦人之事
與之况誓義可疑焉

韓曰矢陳也否當爲否泰之否厭當爲厭亂
之厭孔失之矣爲誓非也後儒因以誓言以
厭爲擲益失之矣吾謂仲尼見衛君任南子
之用事乃陳衛之政理告子路云子道否不
得行汝不須不悅也天將厭此亂世而終豈
泰吾道乎

李曰古文闕略多爲俗儒穿鑿遂失聖人經
旨今退之發明深義決無疑焉

述而第七

子曰述而不作信而好古竊比於我老彭

包曰若老

彭祖述之而已

韓曰先儒多謂仲尼謙詞失其旨矣吾謂仲尼傷已不遇嘆其道若老彭而已

李白下文子曰甚矣吾衰也久矣吾不復夢見周公是制禮作樂慕周公所爲豈若老彭述古事而已顯非謙詞蓋嘆當世鄙俗竊以我比老彭無足稱爾

韓曰殷賢惟伊傳餘固蔑稱

子曰自行束脩以上吾未嘗無誨焉能奉禮自
行束脩以上則
皆教誨之焉

韓曰說者謂束爲束帛脩爲羞脯人能奉束
脩於吾則皆教誨之此義失也吾謂以束脩
爲束羞則然矣行吾而教之非也仲尼言小
子掃洒進退束脩末事但能勤行此小者則
吾必教誨其大者

李白誨人不倦此其日也

冉有曰夫子爲衛君乎子貢曰諾吾將問之入
曰伯夷叔齊何人也曰古之賢人也曰怨乎曰求

仁而得仁又何怨出曰夫子不爲也

鄭曰父子爭國惡行

也孔子以夷齊賢且仁故知不助衛君明矣

韓曰上篇云伯夷叔齊不念舊惡怨是用希此言君子雖惡不怨也又下篇云不降其志不辱其身伯夷叔齊歟我則異於是無可無不可吾嘗疑三處言夷齊各不同吾謂此段義稱賢且仁者蓋欲止冉有爲衛君而已

李曰聖人之言無定體臨事制宜孟軻論之最詳曰伯夷聖之清者也伊尹聖之任者也柳下惠聖之和者也孔子聖之時者也時行

則行時止則止大抵仲尼與時偕行與時偕
極無可無不可是其旨也其餘稱賢且仁誠
非定論

韓曰習之深乎哉吾今乃知仲尼之言瞻之
在前忽然在後不可槩窺其極

子所雅言詩書執禮皆雅言也

孔曰雅音正言
鄭曰先王

典法必正言其
音然後義全

韓曰音作言字之悞也傳寫因注去雅音正
言遂悞爾

李曰孔鄭注皆分明但誤一音字後人惑之

蓋一時門弟之所記錄夫子所雅言即下六
詩書執禮皆雅言也云尔其義煖然無惑

泰伯第八

子曰恭而無禮則勞慎而無禮則蕙勇而無禮

則亂直而無禮則絞

王曰蕙懼
貞絞刺也

韓曰王注云不以禮節之吾謂禮者制中者
也不及則為勞為蕙過則為亂為絞絞確也
李曰上篇云禮之用和為貴不以禮節之亦
不可行此言發而皆中節之謂和也今言恭
必企而進禮不可太過大抵取其制中而已

乎

韓曰上篇云中庸之爲德也其至矣乎民鮮
久矣此正謂言禮之皇極也

子曰興於詩立於禮成於樂

包曰興起也禮所以立身樂以成性

韓曰三者皆起於詩而已先儒略之遂惑於
二矣

李曰詩者起於吟詠情性者也發乎情是起
於詩也止乎禮義是立於禮也刪詩而樂正
雅頌是成於樂也三經一原也退之得之矣
包氏無取焉

子曰惟天惟大惟堯則之蕩蕩乎民無能名焉

包曰布德廣遠民無能識其名

韓曰堯仁如天不可名狀其高遠非不識其名也

李曰仲尼稱堯如天之難狀也亦猶顏回稱仲尼如天弥高瞻之在前忽然在後與此義同

子罕第九

子罕言利與命與仁

包曰寡能及之故希言

韓曰仲尼罕言此三者之人焉非謂罕言此

三者之道也

李白上篇云仁遠乎哉我欲仁斯仁至矣是仲尼凡於道則無不言但罕有其人是以罕言爾下篇云必有之吾未之見此罕言之義子絕四母意母必母固母我王曰不任意無事必無固行無有其

身也

韓曰此非仲尼自言蓋弟子記師行事其是子絕二而已吾謂無任意即是無專必也無固行即是無有已身也

李曰非弟子記之繁傳之者誤以絕二為四

也但見四母字不曉二義而已亦猶手之舞之足之蹈之雖四事其實二事云

子曰鳳鳥不至河不出圖吾已矣夫

孔曰聖人受命則鳳

凰至河出圖今無此瑞吾已矣夫者傷不得見也河圖迺八卦是也

韓曰王道盛則四靈爲畜非但受命符爾

李白易曰河出圖洛出書聖人則之書云簫

韶九成鳳皇來儀皆言王道太和及此矣聖

人傷已之不得見非受命祥瑞爾

顏淵喟然嘆曰仰之彌高鑽之彌堅瞻之在前忽然在後夫子循循然善誘人博我以文約我

以禮欲罷不能既竭吾才如有所立卓爾雖欲從之末由也已

包曰恍惚不可得而形容孔曰不能及夫子之所立

韓曰既竭吾才如有所立卓爾此回首自謂雖卓立未能及夫子高遠爾

李曰退之深得之矣吾觀下篇云可與共學未可與適道可與立未可與權是知所立卓爾尚未可權是顏回自謂明矣孔義失其旨

子路使門人爲臣

鄭曰子路欲使弟子行爲臣之禮也

韓曰先儒多惑此說以謂素王素臣後學由是責子路欺天吾謂子路剛直無諂必不以

王臣之臣欺天爾本謂家臣之臣以事孔子也

李曰卿大夫稱家各有家臣若與臣隸隸臣臺臺臣僕之類皆家臣通名仲尼是時惡三家專魯而家臣用事故責子路以謂不可効三家欺天爾

子曰可與共學未可與適道可與適道未可與立可與立未可與權孔曰雖能之道未必能有權

量輕重

韓曰孔注猶失其義夫學而之道者豈不能

立耶權者經權之權豈輕重之權耶吾謂正文傳寫錯倒當云可與共學未可與立可與適道未可與權如此則理通矣

李曰權之爲用聖人之至變也非深於道者莫能及焉下文云唐棣之華偏其反而此仲尼思權之深也公羊云反經合道謂之權此其義也

鄉黨第十

吉月必朝服而朝

孔曰吉月月朔也
朝服即皮弁服也

韓曰吉禮所行月日因而謂之吉月吉日非

正朔而已

李曰周禮云正月之吉又云月吉讀邦法今

究其義皆因吉禮以別下文凶賓嘉爾

鄉人儻

朝服而立於阼階孔曰儻驅逐疫鬼恐驚先祖故朝服而立

於廟之阼階

韓曰正文無廟字又云恐驚先祖疑孔穿鑿

非本旨

李曰仲尼居鄉似不能言者覩儻鬼非禮也

故朝服立階欲止之使不儻適會時當在阼

階爾別無異義

子曰山梁雌雉時哉時哉子路共之三嗅而作

周曰子路共之非本意
不苟食故三嗅而作

韓曰以爲食具非其旨吾謂嗅當爲鳴鳴之
鳴雉之聲也

李曰子路拱之雉嗅而起記者終其事爾俗
儒妄加異義我不可不辨也

新刊經進詳註昌黎先生遺文卷第二

新刊經進詳註昌黎先生遺文卷第三
論語集解下

昌黎韓愈

趙郡李翱

先進第十一

子曰從我於陳蔡者皆不及門也鄭曰皆不及
失其所

韓曰門謂聖人之門言弟子學道由門以及
堂由堂以及室分等降之差非謂言仕進而
已

李曰如由也外堂未入於室此等降差別不及門猶在下列者也

德行顏淵閔子騫冉伯牛仲弓言語宰我子貢政事冉有季路文學子游子夏

說者曰字而不名非夫子玄

韓曰論語稱字不稱名者多矣仲弓既立此四品諸弟子記其字而不名焉別無異旨

李曰仲尼設四品以明學者不問科使自下升高自門外堂自學以格于聖也其義九深但俗儒莫能循此品第而窺聖奧焉

韓曰德行科最高者易所謂默而識之故存

乎德行蓋不假乎言也言語科次之者易所
謂擬之而後言議之而後動擬議以成其變
化不可爲典要此則非政法所拘焉政事科
次之者所謂雖無老成人尚有典刑言非事
文辭而已文學科爲下者記所謂離經辨志
論學取友小成大成自下而上外者也
李曰凡學聖人之道始於文文通而後正人
事人事明而後自得於言言忘矣而後默識
已之所行是名德行斯入聖人之奧也四科
如有序但注釋不明所以然

子曰回也其庶乎屢空賜不受命而貨殖焉億

則屢中

注曰回庶幾聖道雖數空匱而樂去其
中賜不受教命唯財貨是殖億度曰非

蓋美回所以勵賜也

韓曰一說屢猶每也空猶虛中也此近之矣

謂富不虛心此說非也吾謂回則坐忘遺照
是其空也賜未若回每空而能中其空也貨
當為資殖當為權字之悞也子貢資於權變
未受性命之理此蓋明賜之所以亞回也

李曰仲尼品第回賜皆大賢豈語及貨殖之
富耶集解失之甚矣吾謂言語科寔資權變

更能慮中乎即回之亞正明矣

子張問善人之道子曰不踐迹亦不入於室

善人不但循舊迹亦少割
亦不能入聖人之奧室

韓曰孔說非也吾謂善人即聖人異名爾豈
不循舊迹而又不入聖人之室哉蓋仲尼誨
子張言善人不可循迹而至于心室也聖人
心室惟奧惟微無形可觀無迹可踐非子張
所能至爾

李白仲尼言由也升堂未入於室室是心地
也聖人有心有迹有造形有無形堂堂乎子

張誠未至此

子曰論篤是與君子者乎色莊者乎

孔曰論篤是口無擇

言君子是身無擇行色莊者不惡而嚴

韓曰孔失其義吾謂論者討論也篤極也是此也論極此聖人之道因戒子張但學君子容色莊謹即可以及乎君子矣

李曰與疑辭也乎語終也上句云論篤此與者言子張未極此善人也下句言莊者欲戒子張檢堂堂之過約歸於君子容顏而已孔註云三者爲善人殊失聖人之本意

子畏於匡顏淵後子曰吾以女為死矣曰子在

回何敢死

包曰言夫子在已無所敢死也

韓曰死當為先字之誤也上文去顏淵後下文去回何敢先其義自明無死理也

李曰以回德行亞聖之才明非敢死之士也古文脫誤包註從而訛舛退之辨得其正

點爾何如至童子六七十人浴乎沂風乎舞雩詠

而歸

孔曰暮春季春三月

韓曰浴當為泂字之誤也周三月夏之正月安有浴之理哉

李曰仲尼與點蓋美其樂王道也餘人則志在諸侯故仲尼不取

顏淵第十二

顏淵問仁子曰克己復禮為仁也馬曰克己復禮也

身能返禮則為仁矣

韓曰孔馬得其皮膚未見其心焉吾謂回問仁仲尼荅以禮蓋舉五常之二以明其端焉故下文云非禮勿視非禮勿聽非禮勿言非禮勿動又舉五常之四以終其義

李曰仁者五常之首也視聽言動思五常之具也今終之以動者貌也貌為木為仁此問非顏回具體安能究仲尼之心

子曰博學於文約之以禮亦可以弗畔矣夫

韓曰簡編重錯雍也篇中已有君子博學於文約之以禮可以弗畔矣夫今削去此段可也

子張問士何如斯可謂之達矣子曰夫達也者

質直而好義察言而觀色慮以下人

馬曰常有謙退之志

韓曰此與上篇色莊者乎一義也皆斥言子

張質直莊謹下於人則爲達士矣

李曰下文云夫聞也者色取人而行達居之不疑此並戒堂堂乎張不貴必聞在乎必達

子路第十三

冉有退朝子曰何晏也對曰有政子曰其事也

如有政雖不吾以吾其與聞之

馬曰政者有所改更匡正事者

凡行常事我為大夫華不見任用少當與聞之

韓曰政者非更改之謂也事者非謂常行事

也吾謂凡干典禮者則謂之政政即常行焉

則謂之行行其常則謂之人事

李曰政事猶言文學也文之義包乎天地六矣學之者人也政之事包乎典禮大矣事之者人也仲尼蓋因冉有之對以明政事不可不分也

子貢問曰何如斯可以為士矣子曰宗族稱其

孝焉鄉黨稱其悌焉

舊本子曰行已有恥為上文簡編差失也

韓曰孝悌為百行之本無以上之者

人之貌也

曰敢問其次曰行已有耻使於四方不辱君命可謂士矣曰敢問其次曰言必信行必果硜硜然小人哉抑亦可以爲次矣

孔曰有耻者有所不爲鄭曰硜硜小

韓曰硜硜敢勇貌非小人也小當爲之字古文水與土相類傳之悞也上文旣云言必信行必果豈小人爲耶當作之人哉於義得矣李白請以四科校量次第則孝悌當德行科上也使四方不辱君命當言語科次也言必信行必果當政事科又其次以推文學可知

焉

子曰善人教民七年亦可以即戎矣

即就戎兵也

韓曰七年義不解吾謂即戎者衣裳之會兵車之會皆謂即戎矣此是諸侯朝會于王各修戎事之職按王制去三年一聘五年一朝仲尼志在尊周故言五年可以即戎事朝天子七年者字之悞歟

李曰退之言尊周得其旨矣七年五季字悞當究其詳吾謂周禮大宗伯去殷頑曰視鄭義曰殷頑一服朝一歲也以朝者少諸侯乃

使卿以太禮衆聘焉一服朝在元年七年十
一年又大行人職去侯服歲一見甸服二歲
一見男服三歲一見采服四歲一見衛服五
歲一見要服六歲一見王歲徧存三歲類五
歲徧省七歲屬象胥諭言語協辭命九歲屬
瞽史諭書名聽聲音十有一歲達瑞節同度
量成牢理同數器修法則十有二歲王巡守
殷國以是究之蓋天子即位元年諸侯畢朝
謂之一服朝爲始也六服凡六年終至七年
又復始矣十一歲王撫諸侯禮終至十二年

又亦如初故鄭註宗伯職云元季七年十一年皆舉其始也

韓曰噫習之可謂究極聖人之奧矣先儒但以攻戰爲即戎殊不知仲尼教民尊周謹朝聘所以警當世諸侯舉七年而元季十一年從可知矣

憲問第十四

子曰君子而不仁者有矣夫未有小人而仁者

也

孔曰雖君子猶未能備

韓曰仁當爲備字之悞也豈有君子而不仁

者乎既稱小人又豈求其仁耶吾謂君子才
行或不備者有矣小人求備則未之有也

李白孔註云備是解其不備明矣正文備作
仁誠字悞一失其文寔乖其義

子曰古之學者爲己今之學者爲人孔曰爲己
爲人徒能
言之也

韓曰爲己者謂以身率天下也爲人者謂假
他人之學以檢其身也孔云徒能言之是不
能行之失其旨矣

李曰子夏子云堯舜性之是天人兼通者也湯

武身之是爲己者也五伯假之是爲人者也
子曰君子道者三我無能焉仁者不憂知者不
惑勇者不懼子貢曰夫子自道也

韓曰子貢慮門人不曉仲丘言我無能焉故
云自道以明有能也

子貢方人子曰賜也賢乎哉夫我則不暇孔加
人也不暇
方人

韓曰不暇以方人者其旨安在吾謂義連上
文云夫君子自道者我無能此是以方君子
之言也惟子貢明之故門人記子貢方人四

字下文曰賢乎哉善子真能知我此方人耳
復云不暇者終自晦也

子曰作者七人矣

包曰長沮桀溺丈人石門
荷蕢儀封人楚狂接輿

韓曰包氏以上文連此七人失其旨吾謂別
段非謂上文避世事也下文子曰別起義端
作七人非以隱避為作者明矣避世本無為
作者本有為顯非一義

李曰其然乎包氏所引長沮已下苟合於義
若於作者絕未為得五謂包氏因下篇長沮
桀溺去與其從辟人之士豈若從避世之士

廿三
廿
哉遂舉此爲七人苟聯上義殊不知仲居云
鳥獸不可與同群此則非沮桀輩爲作者明
矣又況下篇云逸民伯夷叔齊虞仲夷逸朱
張柳下惠少連七人豈得便引爲作者可乎
包謬不攻自弊矣

韓曰齊魯記言無不脫舛七人之數固難條
列但明作者實非隱淪昭昭矣

李曰以作者之謂聖之義明之則理道明矣
韓曰仲居本至誠如此乎但學者失之云耳
原壤夷俟子曰老而不死是謂賊以杖扣其脛

馬曰夷踞俟侍也孔曰扣擊也

韓曰古文叩扣文之誤也當作指為夷俟踞足原不自知失禮故仲丘既責其為賊又指其足脛使知夷踞之罪非擊之明矣

衛靈公第十五

衛靈公問陳於孔子對曰俎豆之事則嘗聞之矣軍旅之事未之學也

鄭曰本末立不可教以末事

韓曰俎豆與軍旅皆有本有末何獨於問陳為末事也鄭失其旨吾謂仲丘因靈公問陳遂譏其俎豆之小尚未習安能講軍旅之大

乎

李曰俎豆宗伯之職軍旅司馬之職皆周禮之本也鄭以爲末事皆乖仲尼本意

子曰由知德者鮮矣

王曰君子固窮而子路溫見故謂之少於知德

韓曰此一句是簡編脫漏當在子路溫見下文一段爲得

李曰濫當爲溫字之誤也仲尼因由溫見故云窮斯溫焉則知之固如由者亦鮮矣

子張問行子曰立則見其參於前也在輿則見

其倚於衡也夫然後行

包曰衡軛也言思念忠信立則常想見參然在

曰前在輿則倚車報

韓曰參古驂事衡橫木式也子張問行故仲尼喻以車乘立者如御驂在目前言人自忠信篤敬坐立不忘於乘車之間

李曰大車無輶小車無軌其何以行之哉與此意同包謂驂為森矢之矢

子曰君子義以為質禮以行之孫以出之信以成之君子哉

鄭曰義以為質謂操行也孫出之謂言語

韓曰操行不獨義也禮與信皆操行也吾謂君子體質先須存義義然後禮禮然後遜遜

然後信有次序焉

李曰上云君子者舉古之君子也下云君子哉者言今之學者能依此次序乃能成君子耳

子曰吾猶及史之闕文也有馬者借人乘之今亡矣夫

包曰有古之良史有疑則闕之有馬不調良則借人乘習之

韓曰上句言已所不知必闕之不可假他人之言筆削也譬如馬不能自乘而借他人乘之非已所學耳

李曰上云吾猶者是喻史官闕文下句更喻

馬不可借他人今亡者言吾今而後無此借
乘之過也

子曰君子身而不諒

孔曰真正也諒信也君子正其道不必小信

韓曰諒當爲讓字誤也上文曰當仁不讓於
師仲屋慮弟子未曉故復云正而不讓謂仁
人正直不讓於師耳孔說加一小字爲小信
妄就其義失之矣

季氏第十六

孔子曰禮樂征伐自諸侯出蓋十世希不失矣

孔曰希少也周幽王爲犬戎所殺平王東遷諸
侯自作禮樂征伐專行始於隱公至昭公十世

失政死
於薨侯

韓曰此義見仲尼作春秋之本也吾觀隱至昭十君誠然矣禮樂征伐自作不出於天子亦然矣若稽諸春秋吾疑十二公引十世爲證非也

李曰退之至矣觀隱公不書即位而書王正月定公不書正月而書即位此有以見自桓至定爲十世仲尼存不言哀公未沒不可言世也

韓曰其然乎吾考隱公書正月者三周雖下

襄諸侯稟朔不可不書也隱攝政不書即位
言不預一公之數也定書即位繼體當爲魯
君不書正月者不稟朔也稟朔由三桓強盛
不由公室也政去公室則自桓公至定公爲
十世明矣

李曰吾觀季氏一篇皆書孔子曰餘篇即但
云子曰此足見仲左作春秋本惡三桓正謂
亂臣賊子當時弟子避季氏彊盛特顯孔子
之名以制三桓耳故悉書孔子曰以明當時
之事三桓可畏宜其著春秋以制其彊焉

韓曰深哉先儒莫之知也今驗魯論因知春秋本末惟季氏篇章學者蓋三復其義

自大夫出五世希不失矣

孔曰季文子初得政至桓子五世為家臣

陽虎
州因

韓曰季孫行父自信公時得魯政至平子意如逐昭公於乾侯終季孫斯定公八年為陽虎所代桓子即季孫斯也仲尼既言諸侯十世又言大夫五世者并魯君臣皆失道也李曰此又明春秋自桓至定交相驗矣

陪臣執國命三世希不失矣

馬曰陽虎為季氏家臣至虎三世出

矣奔

韓曰定公九年陽貨以葱靈逃奔宋遂奔於
晉至哀公二年陽虎猶見于左傳蓋仲尼自
定哀之際三桓與魯皆衰故春秋止於麟厥
旨深矣

孔子曰祿之去公室五世矣

鄭曰魯自東門襄仲立宣公於是政

在大夫至定公五世矣

韓曰此重言定公時事也上文十世五世三
世希不失者蓋泛言之耳此云祿去公室五
世及下文云政逮於大夫四世皆指實事言

也

李曰重言之知仲尼閔魯為三桓所奪臣主俱不振矣

政逮於大夫四世矣

孔曰文子武子悼子平子

李曰註亦重解李氏當定公時季氏斯為陽虎所伐極則衰矣

故夫三桓之子孫微矣

孔曰三桓仲孫叔孫季孫三卿皆出桓公

李曰仲尼魯哀十一年自衛返魯使子路伐三桓城不克至十四年叔孫氏西狩獲麟仲尼乃作春秋始於桓終于定而已三家興於

桓襄於定故徵王經以貶強臣三桓子孫微者諭默扶公室將行周道也

陽貨第十七

孔子時其亡也而往拜之

韓曰時當爲待古音亦作峙南人音作遲其
實待爲得

子曰性相近也習相遠也子曰惟上智與下愚

不移

孔曰性所習上智不可使爲惡下愚不可使爲賢

韓曰上文云性相近是人以可習而上下也
此文云上下不移是人不可習而遷也二義

相反先儒莫究其義吾謂上篇云生而知之
上也學而知之次也困而學之又其次也困
而不學民斯爲下矣與此篇二義兼明焉
李曰窮理盡性以至於命此性命之說極矣
學者罕明其歸今二義相戾當以易理明之
乾道變化各正性命又利貞者情性也又一
陰一陽之謂道繼之者善也成之者性也謂
人性本相近於靜及其動感外物有正有邪
動而正則爲上智動而邪則爲下愚寂然不
動則情性兩忘矣雖聖人有所難知故仲尼

稱顏回不言如愚退省其私亦足以發回也
不愚蓋坐忘遺照不習如愚在卦爲復天地
之心遠矣亞聖而下性習近遠智愚万殊仲
尼所以玄困而不學下愚不移者皆激勸學
者之辭也若窮理盡性則非易莫能窮焉
韓曰如子之說文雖相反義不相戾誠知乾
道變化各正性命坤道順乎承天不習無不
利至哉果天地之心其遠矣乎

公山弗擾以費畔召子欲往至子曰如有用我
者吾其爲東周乎

孔曰弗擾爲季氏宰與陽虎
共執季桓子而召孔子與周

道於東方
故曰東周

韓曰仲尼畏三桓不欲明言往公山氏又不
容順子路當季氏故言吾爲東周東周平王
東遷能復修西周之政志在周公典禮不徒
往也非子路所測

李曰孔謂興周道於東方失其旨矣

子路曰佛肸以中牟畔子之往也如之何子曰
有是言也不曰堅乎磨而不磷不曰白乎涅而
不淄吾豈匏瓜也哉焉能繫而不食孔曰晉大
夫趙簡之

邑宰不得如不食
之物繫滯一處

韓曰此段與公山氏義同有以知仲尼意在東周雖佛肸小邑亦往矣

李曰此自衛返魯時所言也意欲伐三桓子路未曉耳

子曰由也女聞六言六蔽矣乎好仁不好學其蔽也愚好知不好學其蔽也蕩好信不好學其蔽也賊孔曰六言六蔽者下文謂六事仁智信直勇剛也仁者愛物不知所以裁之則愚蕩無所適守賊者父子不知相為隱之輩

韓曰此三言是泛學五常之有蔽也不言禮與義略也

好直不好學其蔽也絞

韓曰絞確也堅確之義

好勇不好學其蔽也亂好剛不好學其蔽也狂

孔曰狂妄也
誠齋也

韓曰此三者指子路辭也由之爲人直勇剛
故以絞亂狂戒之耳

李曰深乎聖人戒子路先舉仁智信以不學
爲蔽况直勇剛豈可不學乎孔註不分奧旨
退之其精矣乎

子謂伯魚曰女爲周南召南矣乎人而不爲周

南召南其猶正牆面而立也與馬曰國風之始三綱之首人而不爲如面牆而立

韓曰吾觀周南蓋文武已沒成王當國之時也且輿分陝故別爲二南戒伯魚當知此耳李曰子夏云王者之風繫周公諸侯之風繫召公由是知仲尼刪詩首周南者本周公也列國之風首衛詩者次以康叔也周公見興周之迹康叔見華商之俗不知此義者面牆立也宜乎

子曰禮云禮云玉帛云乎哉樂云樂云鍾鼓云

乎哉

鄭曰所貴安上治民
馬曰所貴終風易俗

韓曰此連上文訓伯魚之詞也馬鄭但言禮樂大略其精微

李曰慮伯魚但習二南多知虫魚鳥獸而已不達旦奭分治邦家之本也但習玉帛鍾鼓而已不達雅頌形容君臣之美也有以知詩者禮樂之文玉帛鍾鼓禮樂之器兼通即得禮樂之道

子曰色厲而內荏譬諸小人其猶穿窬之盜也與子曰鄉原德之賊也

孔曰荏柔也內柔佞也
周伯曰鄉向也古字同

韓曰原類柔字之誤也古文遄遄原柔後人遂誤內柔爲鄉原足以明矣

李曰義連上文內荏古嵐字亦類柔字蓋仲尼重言內柔者詎爲色厲則是德之賊也

韓曰外柔而內厲則尚書所謂柔而立也若外厲而內柔則是穿窬盜賊爾

子曰子欲無言子貢曰子如不言則小子何述焉子曰天何言哉四時行焉

言之爲益少故欲無言

韓曰此義最深先儒未之思也吾謂仲尼非無言也特設此以誘子貢以明言語科未能

忘言至於默識故云天何言哉且激子貢使
進於德行科也

李曰深乎聖人之言非子貢孰能言之孰能
默識之耶吾觀上篇子貢曰夫子之言性與
天道不可得而聞也又下一篇陳子禽謂子
貢賢於仲尼子貢曰君子一言以爲不知言
不可不慎也夫子猶天不可階而外也此是
子貢已識仲尼天何言哉之意明矣稱小子
何述者所以採引聖人之言誠深矣哉

微子去之箕子爲之奴以干諫而死孔子曰商

有三仁焉

孔注曰三人行異而
同仁其憂亂寧民

韓曰殺身成仁比干以之微箕二子校之劣
焉仲尼俱稱仁別有與旨先儒莫之釋也

李曰聖人先言微子以其先去之也後言比
干以其諫之晚矣中言箕子則仁兼先後得
聖人中焉

韓曰箕子明夷與文王同乎易象尚書洪範
見武王伸其師禮然則箕子非止商之仁也
蓋萬世之仁乎

齊景公待孔子曰若季氏則吾不能以季孟之

間待之子曰吾老矣不能用也孔子行

以二爲上卿最貴孟氏爲下卿不用事言待之

韓曰上段孔子行是去齊來魯也下段孔子

行是去魯之衛也孔子患季氏患其強不能

制故出行他國

李曰案史記孔子世家子在衛使子路伐三

桓城不克此是仲尼既不克三桓乃自衛反

魯遂作春秋春秋本根不止傷周衰而已抑

亦憤齊將爲陳氏魯將爲季氏云

周公謂魯公曰君子不施其親不使大臣怨乎

不以

孔注曰施易也不以他人之親易已之親以用也怨不見聽用

韓曰周公戒伯禽多矣仲尼獨舉此諷哀公不親信賢人尔施當為施言不施慢所親近賢人如此則大臣無所施矣謂施為易非也李曰雖有周親不如仁人孔謂他人易已之謂是親戚之親吾謂作親近之親為得

子張第十九

子夏曰大德不踰閑小德出入可也

孔曰閑猶法也小德

不能不踰法故曰出入可也

韓曰孔註謂大德不自踰法非也吾謂大德聖人也言學者之於聖人不可踰過其門閥尔小德賢人也尚可出入窺見其奧也

李白防閑之閑從木義取限分內外故有出入之喻孔註便以閑訓法非也况大德之人豈踰法耶

孟氏使陽膚為士師問於曾子曾子曰上失其道民散久矣如得其情則哀矜而勿喜

自喜能得其情

韓曰哀矜其民散之情勿喜施其刑罰是其

百矣

李曰家語云魯人有父子訟者孔子爲司寇同牢獄繫之父子皆泣子曰上失其教民散以矣皆釋之此有以見哀矜其情不喜施刑罰之驗也馬謂勿喜得其情失之矣

堯曰第二十

帝臣不蔽簡在帝心

包曰桀居帝臣之位罪過不可隱蔽

韓曰帝臣湯自謂也言我不可蔽隱桀之罪也包以桀爲帝臣非也

李曰吾觀湯誥云爾有善朕弗敢蔽罪當朕

躬弗敢自赦惟簡在上帝之心此是湯稱帝
臣明矣疑古文尚書與古文論語傳之有異
同焉考其至當即無二義

子曰不教而殺謂之虐不戒視成謂之暴慢令
致期謂之賊猶之與人也出納之吝謂之有司
孔曰財物當與人而至吝留於出納者有司之任非人君之道也

韓曰猶之當為猶上也言君上吝嗇則是有
司之財而已

李曰仲尼先言虐暴賊三者之弊然後言君
上之職當博施濟衆為已任也按古文出上

二字相類明知誤傳矣

孔子曰不知命無以為君子

孔曰命謂窮達之分

韓曰命謂窮理盡性以至於命也非止窮達

新刊經進詳註昌黎先生遺文卷第三